

Cracoviensis stud. Univ. Sagell.  
Promotiones Philos. Ord.  
1700 d. 2 mens. Aprilis



3513

kat.komp.

III.

Mag. St. Dr.

P

Arbor vitæ Crux Salvatoris —

Poenya 3024.



ARBOR VITÆ,  
CRUX  
SALVATORIS,

Celebrioribus per Regnum Poloniae  
SCHEMATISMIS,

Virtute miraculorum, & gratiarum multitudine,  
CONSPICUIS;

intra Regia IAGIELLONII Par-  
nassi Vireta;

*SVB EXIMIA PROTECTIONE,*  
PERAVGVSTI CAPITVLI  
CRACOVENSIS,

*vere novo*  
REFLORESCENS.

*operâ & studio,*  
*PERILLVSTRIS, & REVERENDISSIMI DOMINI,*

M. SEBASTIANI  
PISKORSKI,

V. I. DOCTORIS & PROFESSORIS,  
CANONICI CRACOVENSIS, &c.

*A. Universitatis Studij Generalis Cracoviensis*  
PROCANCELLarii,

*ad Annum Secularem eiusdem A. Universitatis per 351374*  
D. IAGELLONEM instauratæ & Fundatæ  
TRECENTESIMVM.

*Septemdecim Viris Magisterij in AA. & Philosophia Doctoratibus*

LICENTIANDIS,

Vtriusquè Eloquentiæ cultu

CELEBRATA,

Anno Iubilæi Magni, 1700. Die 2. Mensis Aprilis.

CRACOVIAE, *typis SCHEDELIANIS.*





Mihi absit gloriari nisi in Cruce Do-  
mini Nostri IESV Christi.

*Galat. 6.*

Hodie CRUX facta est; SECV-  
LVM sanctificatum est.

*August. Serm. de Parasce.*

O verè cælestis Planta pretiosior  
cunctis, sanctior universis: o verè Li-  
gnum vitæ, quod solum fuit dignum por-  
tare salutis fructum.

*Bernard. Serm. sup. Cant.*



ILLVSTRISSIMO, & REVERENDISSIMO  
DOMINO,

D. GASPARO  
CIENSKI

Ecclesiæ Cathedralis Cracoviensis

DECANO, &c.

Sede Vacante Episcopatus

ADMINISTRATORI,

Totiq; PERAVGVSTO, ILLVSTRISSIMORVM, REVE-  
RENDISSIMORVM, PRÆLATORVM, CANONICOR:

eiusdem Ecclesiæ

CAPITVLO.

Dominis, Benefactoribus Amplissimis.

Illustrissimi, Reverendissimi Domini,  
Domini Benefactores Amplissimi.



Iubeatam Regis dolorum majesta-  
tem, admiranda gratiarum multitu-  
dine, in Augusto Vavelli vestri cardi-  
ne dum universus Orbis Lechicus a-  
clorat; etiam Nos novella Laurearum plantatio,  
Arboris vitæ Elogia, ad ipsius basim, & radicem  
(celebrioribus intra Regnū Iconismis sanctè & re-  
ligiosè observatis) appensa deferimus. Studium

)2(

quippe



quippe nostrum vere hoc novo, sub tam fausta mirabilium **DEI** congerie, ad **CRUCEM SALVATORIS**, in Monte Vestro thaumaturgam reflorescet: coram qua, Reges, & terrarum Principes; Fasces suos, ac diademata inclinant. Duplicata etiam Divinissimi **PRÆSULIS**, & Martyris **STANISLAI CRUX**, Anno hoc Sancto gratiosam protectionis umbram indulgebit; sub cuius tutela, & Vrbs hæc, millesimi, & Vniversitas Nostra, trecentesimi decursum anni, feliciter est emensa. Decuit insuper Laurus nostras sub tam auspicato **CORONARUM** Vestrarum patrocinio revirescere; & **ILLUSTRISSIMO BISONTIS CAPITI** ramos suos prostertere in coronam; ac gratiarum actionem: sub cuius prudēti regimine Vniversa Diæcesis efflorescit in decorem Ecclesiæ maximum; ac in dies succrescit in augem felicitatis. Vniversitatis quoq; Nostræ vota, in hoc Seculari ætatis suæ plausu, non aliunde diuturnæ omina spei autumat, quàm à **Sacro CORONARUM Vestrarum Ternione**; à quo rebus in arduis præsentissimam habuit tutelam. Deponimus igitur Sacram hanc admirandorum **DEI** Encyclopædiam, & stupēdam Divinæ **CRUCIS** virtutem ad aram Vestram: à qua Regno, **CORONIS** Vestris, amplissimæ Diæcesi, felicissima seculi auspicia; nobis verò protectionis perennis umbra, ut proveniat; Regnantem à Ligno **DEVM** supplicibus votis compellamus.

**ILLVSTRISSIMARVM, REVERENDISSIMARVM,  
DOMINATIONVM VESTRARVM,**

*Infimi, & humillimi Licentiatæ Clerici.*

## PARTICVLA INSIGNIS CRVCIS

C H R I S T I.

In Monte Calvo, PP. Ordinis S. BENEDICTI, à S. EMERICO, S. STEPHANI  
Hungariæ Regis, Filio, donata, miraculis augusta.



**Voscunq; non Adrastia Nemesis,**

Sed scelerum ultor à tergo **DEVS** insequitur;  
hunc in Montem fugite.

Aram placationis nacti in **CRUCE**,  
tremulas animas refovete.

Calvus quidem vulgò Mons iste dudum dictus;

Nè cuiquam in suo cacumine Asylum celaretur.

Hoc certè paradoxum est; quòd, cum omnibus pateat;

Soli vindictæ Divinæ claudi videatur.

*Nempe dum feriunt summos fulmina montes;*

huc intorta retorquentur, & suâ metâ falluntur.

Hic Cælestes in terris incolæ Benedictini nacti Cassium;

nos cassos superni præsidij favores experiuntur.

Quid enim à Vitali **CRVCIS** Sanctissimæ Ligno sperare deberent?

nisi vitam, Salutem, opem, victorias?

Felix tua venatio Dive Princeps Emerice!

qui, hoc in Monte non feras, sed gratias capisti.

Seriùs certè ludus tuus exstitit;

quò Cælum capere licuit.

Nempe dum Regales gazæ, & Hungaria obryzo opulenta;

Nihil pretiosius, hac **CRVCIS** Divinæ portione habuerit;

donò hoc, Lechicum Olympum Cælo propius admovisti.

Affurgunt Augusto Nomini Tuo,

calamitatibus colluctantes mortales:

qui hîc, morborum, febriumq; cohortes, & fata vincunt.

Et quidni sub hoc Signo triumphare liceat?

in quo Triumphator **CHRISTVS** avernum, & montem prostravit.

Hæc Thaumaturgâ Trabe,

per rubrum Passionis Oceanum,

ad portum Salutis trajecimus:

cujus Insigne Fragmentum non in Armeniæ montibus;

sed in Monte Benedictino veneramur.

Felices terq; quaterq; Palinuri,

qui in cataclysmo peccatorum,

etiam hodie hanc Tabulam voto humiliprehendunt.

Felicioꝝ Polonia,

quæ suam hîc aurifodinam nacta,

Anno Seculari, & Iubilæi,

auctos in immensum thesauros colligit.

**I. V. D. NICOLAUS OCHOCKI, Crac.**



# INSIGNIS PARTICVLA ARBORIS

Vitæ, Lublini Anno 1400. deposita, quam Constantinus Imperator Vlodimiro Albæ Russiæ Duci cum dote Sororis suæ eadem locata dedit, successivè Gregorius Ivo Dux Kiioviæ, Andreæ Episcopo Kiioviensi consignavit, demum ab eodem Cracoviam portata, Lublini substitit.

## Ode

**P**atet Polonis, frigida quos fovent  
Septemtrionis portio, flammea  
Ad Passionis **CHRISTI** acerba  
Prodigium, pietas, nitetq;  
Centum coronis, hic ubi publicum  
Regni Tribunal, Iustitiæ sacram  
Erexit aram, Lublinensi  
Conspiciuâ situata in Vrbe.  
Abscedat Hermus, pondera qui suis  
Abscondit antris aurea; Gangis &  
Procul recedant flavae arenae,  
**CRUX** mage divitiæ potentes,  
Opesq; nostræ, subsidio datæ,  
Gentis Lecheæ pectora sublevant,  
Contraq; bellorum furores  
Præsidium renovant perenne!  
Illæ ferocis fulmina Bistonis  
Austa Lune, & cornua comprimunt;  
Illæ tumentes Marte Moschos  
Cladibus insolitis fugarunt.  
Nulloq; pacto Gentis ad improba  
Fines moveri tunc poterant, nisi  
Per firma pacis iura, sedem  
Perpetuam prius occupassent.  
Sic nos ab alto, præsidio **DEVS**  
Ultro tuetur, rebus & arduis  
Confert superne gratiarum  
Mille modos. Pretij redempti  
Solamen ingens! o Sacra Portio  
Quacunq; dote, & munere carior!  
Intende nostræ vota Gentis;  
Et Cracias tueare laurus.

H. V. D. IOANNES CHRYSOSTOMUS SZULTZ.

# CRVCIFIXI CONI THAVMATVRGÆ.

In Ecclesia Cathedrali Cracoviensi Miraculis Clarissimæ

**E**X Helicone in Vavelum descende calame!  
liberes? a Basilica hac arceri minimè poteris Arce.  
Obtusos es? ad inconcussam loci huius rupem acueris.  
Illa hic Cælestium gratiarum adnotate expedit tibi incrementas  
quæ, pridem adamantino expressa caractere,  
tota, cum veneratione legit Sarmatia.

In hoc nimirum Vavelo,  
aureum nostræ felicitatis vellus  
frigidis sub glaciali Vrfa plagis,  
Cælestis primum deposuit Agnus,

## In hoc Monte

non tantum obryzum, sed etiam pretium vitæ mortalium;  
ac inæstimabilem gazam deposuit **DEVS**.  
Scrutari alibi montium viscera coguntur Pygmaliones;  
hic Cælestis thesaurus in colle prominet;  
ut omnibus patens ab omnibus inveniatur.  
Inter Vavelanas Coronas fixit stationem;  
utpote omnium vota, singulorum desideria coronaturus.

## In Saxo licet, Verus Flos Campi;

Cælestis tamen Soli, unde est decerptus, genium servans  
sterilefcere nescit.

Fæcunditate gratiarum Thaumaturgâ,  
admirabili virtutis suæ vigore,  
cæcutientibus visum, sanitatem ægris restituit.  
Fontem Cælestium charismatum diceret;  
dum mentes afflictas dulci inebriat solatio.

Quid enim sub **CRUCE**, nisi melleam reperies ambrosiam?

O Arbor vitæ fæcundissima!  
cujus fructus vel in hoc typo suo,  
humanum exacuit appetitum.

## O Lignum

Inviçissimi IOANNIS III Poloniarum Regis,  
ad Viennenses Campos Trophæum, signumq; triumphii.  
Delphicis, Sacratior Laurus!

a qua

Diva HEDVIGIS Poloniæ Regina,  
acceptis sæpius Oraculis copiosam gratiarum decerpsit sementem  
& responsa tulit.

Tu à fulmine fatorum protege  
Regem, Ordines, orbam Pastore Diocæsium:  
æterno, & terno seculi decursu famulantem Tibi  
Iagellonicam plantationem  
Cælesti imple vigore.

III. V. D. IOSEPHVS TYXYNSKI,

A.



# IN METROPOLITANA ECCLESIA

Gnesuensi, Effigies lignea sculpta, Salvatoris Crucifixi;  
ex qua duobus, ante Sucticum bellum annis, San-  
guis merus largiore stillicidio, in stratum  
altaris profluxit.

## Ode

**L** Inquo Camenas; non mihi fontium  
Procella cordi est; vulnere limido  
Quod currit, *o IESU!* fluentum  
Musa bibet, referetq. lympham.  
Hanc Gnesna monstrat, dum viduam diu  
Quondam Coronam, Sceptraq. Regia  
Lugeret: en Regis dolorum  
Promeruit retulisse fasces,  
Raro ac stupendo prodigio sacros.  
Nam Finus armis huc ubi prepotens  
Venisset; ut nostrum teneret  
Presidium Leo sub tributo:  
Rupit profanus templa, polaribus  
Sacrata Divis; glandeq. plumbea  
Transfixit in ligno repansum  
Vulneribus cumulando *CHRISTVM.*  
Audi rigenti sub Borea gemens  
Hoc Suece factum! purpureis *DEVS*  
Stillavit undis, nec reposto  
Exanimis maduit cruore.  
Et Pectus ictum deciduas aquas  
Invenit intra, qua pluvia scias!  
Quod facta nostrorum scelesti  
Ipse *DEVS* Patiens doleret.  
Bis Sol iugales rexit in ethere  
Invitus; umbras nam timuit memor:  
Fluente sic *CHRISTI* cruore  
Se tenebris rubuisse diris.  
Quare Lecheo presidium Polo,  
Tandem sacrato vulnere provide:  
Nostrasq. fonte hoc *CHRISTE!* Laurus  
Irriguas, Viridesq. serva.

IV. V. D. IOANNES LOPVSZYSKI.

# IMAGINI CRVCFIXI

In Ecclesia Cathedrali Posnaniensi, ob multi-  
formes gratias, fidelibus prestitas, per Majo-  
rem Poloniam, Miraculosa.

**N**on Dracones modo circa Hesperia mala;  
Sed etiam Argos centoculos frustra vigilare, palam est:  
nisi Dominus custodierit Civitatem.  
Sepulci gravi lethargo, etiam in vivis sibi parentant mortales;  
nisi e specula sua prospexerit ille, qui totus Oculus est.  
Hic Custos hominum, in Imagine sua;  
tibi ut notior, ita propior est, Inclyta Posnania.  
Varta quidem te cingit;  
quasi ex ethymo Lechico vigil custodia:  
fluidum tamen elementum cum sit;  
fidem non meretur.  
Exactior Tibi Excubitor,  
qui etiam ipsum Petrum excitat;  
ad Tergeminas Turres tuas non dormitat; neq. dormiet.  
Felix, quae in Petra huic Vigili Claves tuas credidisti.  
Nempe si Fluvius Excubiarum te circumambit,  
*Christus Mare est:*  
qui, in Thaumaturga Imagine CRVCI affixus;  
manus expansas tenet, pro te pugnaturus.  
Exedram Pontificiam pro speculo elegit;  
ut verificaretur Oraculum Hipponense:  
*CRVX est, non tantum lectulus morientis; sed etiam Cathedra  
docentis.*

## Imo

Si Major Polonia Nidus Aquilarum est;  
hic Aquila magnarum alarum:  
Pientissimos Praelatos, velut pullos suos ad volatum  
provocat.

Macte animo deuota turba,  
abundantiam in Turribus tuis futuram ne despera;  
cum in te, gratiarum penu  
in Frumento Electorum possideas.  
Apage hinc pestem, & omne toxicum!

## CRVX Balsamum est:

ad quam, etiam viperæ properant positurae venenum.

## Amuletum est:

quod, ut cicatrices Reip. sanet;  
Regnanti in CRVCE DEO, Pallas Nostra  
Cor, Vota, Laureas, & Oleas suas in Hecatomben subternit.

V. V. D. MICHAEL STAPORKOWICZ.



# IMAGINI CRVCIFIXI

ad Basilicam Archipresbyteralem Crac:  
in Circulo, ipso aspectu peccatores  
conterenti.

## Ode

**V**rbium Princeps, celebranda Craco;  
Cui Ioves nostri, Diadema, Fasces;  
Et quibus grandes animæ quiescunt,  
Pergama credunt.

Inter ingentes opulenta gazas:  
Te, quibus celi moderator alti  
Ampliat; majus pretium sacrata

A CRUCE sumis.

O quot in porta Cratidos reponit,  
Dona supremum geminatq; Numen!  
Quotve cum celsis Aquilis ad astra  
Agmina tendunt!

Non datur nostris calamis facultas;  
Quis Tibi splendor venit à Patronis,  
Lechici Regni; veneranda quorum  
Lipsana condis.

Ipsa CRUX pennam celerem fatigat,  
Adis Augustæ Mariæ, profundo,  
Grata, quam cultu veneraris, atq;  
Excolis auro.

Circuli centrum Cracij, sacrata  
CRUX, & ingentis pretij monile,  
Iudicum lanx, & Nitidi Senatus  
Regula prima.

Hanc pius Suentosylaus perenni  
Obsequi voto recales, secreta  
Audijt Celi; meruitq; summos  
Scandere postes.

Hancq; fortune populos ruentis,  
Cum frequentatis precibus revisit;  
Semper è summo remeasse fausta  
Tempora sensit.

Vinciunt si quos scelerum catena;  
Indè laxatis redijisse vinculis,  
Liberos se se memorant, CRVCISq;  
Numen adorant.

Ergo CRUX, Regis solium Supremi,  
Fascibus nostri faveas Monarchæ:  
Craciæ Sedi, Iagelonidumq;  
Prospice Musis.

VI. V. D. MARTINUS GRUCKI.

# IMAGO CRVCIFIXI D. N. I. C.

In Ecclesia Claræ Tumbæ PP. Cisterciensium, ab Ivone Pijssimo,  
Antistite Crac: inibi collocata, miraculis, & gratijs Clara.

**N**æ tu Claræ, & Vitalis Tumbæ non inane nancisceris nomen,  
Cisterciense ad Crac: Archicanobium;  
quod, lucem vitæ concentratam possides.  
Virginalem ad Collem,  
augustior eminet Columna, Imago CRVCIFIXI;  
cui salus Poloniæ innititur.

Hanc Pius Antistes Ivo posuit;  
ut fidei Polono populo lux, & dux esset ad vitam.  
Circa littora Vistulæ fulget Pharos hæc;  
ut Poloniæ Argo, fausto, ad portum bonæ spei  
utatur nauigio.

Nè hamus mortis, qui ipsam Vandam hamavit,  
incautos caperet;

Sanctior cum CRVCIS tridente Neptunus CHRISTVS, præcauet.

Et certè hinc excède Libitina!

contra te hic aculeus est.

Tot ereptis tuis, & auerni spolijs; etiam tibi interitum minatur  
Triumphale Signum.

Symptomatum pestem jactas:

Vitale Signum est.

Quòd gratias, tot salutis pharmaca propinat.

nemo tristis recessit;

qui, triste licet, hoc morientis Dei Hominis simulacrum  
devotè visurus accessit.

Devoto cultu, contrito vultu;

aspectus hic mysticus Serpens,

à Colubro infernali morfos efficaciter sanavit.

O quot periclitantes Palinuri in gurgite vasto ærumnarum;  
hic, beatas Insulas inuenerunt!

Auspiciatissima Helice CRUX Mogilnensis;  
cujus jubar, Solis æmulum, aurea spes salutis.

Sed quòd prouolas leuior penna?

Facilius tibi Vistuleos exhaurire fluctus;  
quàm hunc Oceanum gratiarum.

Fidem miraculorum præstent, tot votiua anathemata;  
& appenlæ sanctiori tholo gratitudinis tesseræ.

Ad metam ergo felicitatis Poloniæ,  
tu quoq; venerabundus siste; & supplica:

Vt Regnator à Ligno DEVS,

Regi Augusto, semper augustum se præstet.

Ordinibus Regni, & Academiæ, cum Vrbe hac,  
inceptum seculum Saturninum efficiat.

VII. V. D. PAVLVS CIBVLSKI.

B 2



# EFFIGIES CHRISTI CRUCIFIXI

Lublina apud RR. PP. Carmelitas Discalceatos gratijs Celeberrima.

**G**olgotha præruptis, asperrima Golgotha Saxis;  
 Tincta salutifero Patientis Sangvine **CHRISTI**  
 Ad Solymam; linquens scelerate littora terræ;  
 In Lechiam volucris properat Sydone volatu.  
 Ac ubi Metropoles: Gnesnam, Craciosq; Penates,  
 In **CRUCE** suffixi decoravit Imagine **CHRISTI**:  
 In Lublinenses se contulit illico fines;  
 Iustitiæq; lares. Ubi Ius appendit, & æquum  
 Lance Dea; in dextra gladium versata cruentum;  
 Monteq; Carmelo stationem fixit amicam.  
 Quæ patet ad lævam fabricata Intransibilibus Ara;  
 Muscosæ stat fixa basi **CRUX**; languida pendente  
 Colla; & in amplexus vultu invitante, parata.  
 Hæc (cùm Lechiadum, Scythæ se truculentus in Oras,  
 Et vastos effudit agros; ferro, igne potentem  
 Depopulaturus, multo conamine Gentem)  
 Visa fuit quondam lacrymis manantibus Urbem,  
 Indigenasq; Urbis, Lechicæq; Phalangis alumnos,  
 Aspersisse oculis; tantam miserata ruinam.  
 Visa dein, tristem referens in Imagine vultum,  
 Tela in Threicias armata sipare cohortes;  
 Et nostros animare Duces; generosa foverent  
 Pectora; quæ ipsi veniunt in prælia Divi.  
 Nec modò Prodigijs cessat clarere: sed Urbem,  
 Lechiadumq; Orbem, magnis virtutibus implet.  
 Nam quicumq; gravi vivit merore fatiscens,  
 Aut lentis premitur, nullo solamine, curis;  
 Ocyor illa, suum venit invisura clientem;  
 Gaudia pro gemitu, tristiq; ferendo dolore:  
 Præterea quibus ora ligat, linguamq; fatigat;  
 Non bene formata natura inimica loquela:  
 Aut quos deformes, scauros, vatiôsve, variôsve  
 Composito ad numerum vult deslituisse cothurno:  
 Pupillamve quibus natura noverca serenam,  
 Vel clarum, quò nil magè carum, lumen ademitt.  
 Hos siquidem lingua, gressuq; & lumine donans;  
 Vota celebrandam gestat suspensa per Aram.  
 Hæc igitur Lechiam Divino robore firmet;  
 Protegat & longo nostras munimine Laurus.

VIII. V. D. SIMON CANTIVS LACKI.

# EFFIGIES CRUCIFIXI,

In Porticu ædium Sanctissimæ Triados Crac: ob acceptos  
 Cælestes favores, populi adoratione, culta.

**N**on omnis fluvius fert secures;  
 prisca Phrygis paræmia est.  
 Noster Vistula etiam securitatis Aras vehit;  
 ut, & mobili elemento immobilem rerum statorem inesse,  
 non dubitet Orbis.  
 Oedypum nè fatiges, rem expando:  
 Ille est, quem Thaumaturgum in sua Icone **CRUCI** affixa;  
 ad ædes Sanctissimæ **TRIADOS** in Vrbe Craci,  
 pronus Viator adoras.  
 Hunc Fortem. Armatum, Polonus Simois, & scamander tulit;  
 ut securiora Pergama nostra fierent.  
 Supra aquas ferebatur Ara hæc;  
 ut Spiritu Domini, delatam adorares.  
 Caterùm illud Asylum, omnium refugio, destinatum cælitus,  
 non omni dextrâ attingi voluit;  
 nisi a Magni Dominici Filijs.  
 Quid ita?  
 ut, ubi Thomæ manus,  
 ibi latus Domini patens esset.  
 Nempe  
 non alibi potior, salientis aquæ in vitam æternam, mortalibus  
 ostendi potuit scaturigo;  
 quàm unde liberalior, in miseros sperabarur refluxus.  
 Quid enim parcum esse potest?  
 ubi gratias Candidi Ordinis, candor ipse dispensat.  
 Putarem tamen, & rapidis Vistulæ undis suum esse arcanum,  
 Nativum his utq; vel cernis suos remeare in ortus;  
 & nisi in Oceano condi.  
 Errasset Eridanus noster, si Sacris sibi à Cælo creditis, non sic,  
 in Mare Aquinaticum placidus influxisset.  
 Unionem enim pretiosum vehibat, exonerari non debuit;  
 nisi, ubi puriores animarum, & animorum gemmæ nascerentur.  
 Huc ergo  
 devota Lechiadum Turba, votis supplicibus tende;  
 unde, vel cum Aquis Aquinaticis,  
 Salvatoris gratia liberalius manat.  
 Macte animo amarum calamitatum Mare hoc salutare **LIGNO**  
 tinctum dulcescet.

IX. V. D. STANISLAUS GOLEIOWICZ.

C



# EFFIGIES CRVCIFIXI

in Oppido Bulko Diœcesis Crac: in quam, dum impia, & hæretica mulier  
sclopò jaculari veller; miserè eo in loco, manibus adustis mortua est.

**O** Summè Patiens, Celi Rex, **CHISTE** nitentis!  
Ergo nulla Tui statuetur meta doloris?  
Siccine seva, Tibi series immensa malorum  
Accrescet? dirumq; nescis immanibus ausis,  
Et sceleri scelus accedet? nec crimina stante  
Cessabunt scêclo? flagrorum seva procella,  
Ictus fulminei, tot turpia monstra Gigantum,  
Mentibus humanis diro conamine nata;  
In Te, Magne **DEVS**, feriunt? gentesq; feroces,  
Oblatum pretium dum contempsere profano  
Cultu: ponè novum crimen, mirabile dictu!  
Nascitur è Lucis, fideiq; è cardine primo,  
Imbellem, sceleris deturpans munere sexum.  
Scilicet inspecto **CHRISTI** vultu, laterisq;  
Vulnere transfixi; crudelis semina facti,  
Arripuit pyrio compactum pulvere sclopum.  
Dumq; **DEI** Effigiem, scelerato verberat ictu;  
Ultrix ira polo; mirum! descendit ab alto,  
Sacrilegasq; manus flammâ consumpsit averni;  
Ac animam æternum Ditis detrusit in orcum.  
O Mirande **DEVS**! summi Sapiencia Patris;  
Quis tante virtutis opus, quis munera Sancta?  
Humano generi dignè concessa loquetur?  
Perpetuo tractu, qui tot charismata fundis  
Christiadium populo! qui tot solatia amoris  
Largiris, Lechie maiorum sanguine partæ;  
Quisiteq; diu fidei monumenta tueris.  
Tu præsens Tutela pates, contra obvia tela  
Ponti; ac insolitos æstus! Tu vulnera Gentis,  
In dubias scissæ partes, langvore tueris;  
Sanguineoq; lavas nostrum peccata fluento.  
O **DEVS**! ô fidei quæsita, Gloria nostra!  
Et patiens, Sacri vindexq; severus honoris!  
Conserva Lechie Proceres, Regemq; sub Vmbriis  
Arboris; unde salus populi, unde & vita suborta est.  
Fac vigeat pietas, probitas virtutibus amplis:  
Atq; timorata succrescant munera mentis.  
Continuò vireant, Cracio sub climate Laurus.

XI. V. D. PETRVS KEMPSKI.

# CRVCIFIXI IMAGINI.

Ad ædes S. Adalberti in Circulo Crac: gratijs coruscanti  
Anathema Votivum.

**I**lium Neptuni, & Apollinis augustum opus,  
cur nunquam eluendam in cinere agis pænitentiam?  
Malè custoditum Palladium,  
hanc tibi contritionem sinè emendatione causavit.  
Hactenus stetere Pergama; quatenus illud stetit.  
Ex quo, hoc à Pelasgo sublatum; sublata est & Troja.  
Ita superi, vigiles suos custodiunt:  
& pro se laborantibus laborant:  
è contra neglecti, negligunt ingratos.  
Fauftiorem, Orbis genius miratur nostram Trojam;  
Divorum, Regumq; Sedem Cracoviam.  
Hæc, inter fatorum fulmina triumphat;  
& exactò feliciter ævò aliorum clades numerat:  
quia sanctius Palladium, impensius colit.

Nempe  
in medio circuli sui,  
Virtutem collocavit, Imaginem **CRVCIFIXI**.  
In æde Archipræsulis Adalberti  
Labarum **CRVCIS** fixit;  
ut, cum ipsius hastis majus præsidium augetet.  
Iagellonica Palladis Ecclesiam elegit;  
quia non alibi Divinius hoc Palladium servari locuit.  
Vibrate jam pupillas Argi;  
non Trojanos ignes, sed thaumaturgam lucem visuri.  
en, ut in septentrione gratiarum, ad hanc iconem explicatur  
Meridies;  
ut orantes, & adorantes animas, Cælestis lux circumdet.  
Mirum sanè est;  
Tragicum Passionis negotium mente volutant mortales;  
& pleni solatio redeunt.  
Atrocissimam necem meditantur, & vitam sanctiorem  
ex aspectu Imaginis inchoant.  
Felix Craci plantatio!  
quæ in medio Paradisi tui,  
hoc Lignum vitæ possides:  
Regno, Regi, Tibi, ac Musis nostris vitam proroget  
immortalem.

XI. V. D. CHRISTOPHORVS MICHAŁOWSKI.

C 2



MIRACVLOSA CRVCIFIXI SALVA-  
TORIS Figura, in Ecclesia Koscinensi  
Majoris Poloniae, Magna populi  
frequentia colitur.

Ode.

**N**ulla tam felix numerat Cathedra  
Dogmatum sensus; fideiq; vera  
Nullus effatu, retulit tot alta  
Verba salutis;

Quor, pios fructus meriti superni,  
Quotue doctrinae preclara dona,  
Ipsa Crux confert sita, Koscinensi in  
Limine Templi.

Illa, per plures populo gementi,  
Iudicium lites rigide perorans,  
Consultis multis, gelidos per artus,  
Gaudia pacis.

Vnde transferri meruit piorum  
Corde; maiori statuiq; in Ara;  
Gratiarum Fons magis ex aprico,  
Vt fluat haustus.

Nempe debebat thymiana laudis  
Maius accendi; referens odorem,  
Vtq; succrescat pius inde fervor;  
Luce videri.

Confugit supplex quoties ad Aram,  
Fessa plebs longo, nimio & dolore;  
Gratia semper recipit superna  
Inde levamen.

Hinc graves culpa veniam merentur;  
Sentit ac ager facilem medelam;  
Membra, Captivo labefacta ferro  
Consolidantur.

Accipit maestus requiem laboris;  
Mortui, longa serie iacentes,  
Huius impulsu, redi viva sumunt  
Corpora Manes.

Sub tuo sacro Labaro, triumphum  
Expetunt nostra, DEVS Alme, mentes;  
Hinc Tuo, Laurus proprias, honori  
Dantq; dicantq;.

XII. V. D. SEBASTIANUS KASPROWICZ.

IMAGINI CRVCIFIXI  
Leopoli, In Ecclesia Archicathedrali, Victo-  
riarum, & Triumphorum Auspici.

**C**Vbile Leonis est;

quod etiam Byzantinos Alcidas terruit.  
Ergo temeritas Leoburgum cautiùs accedat.

Leo de Tribu Iuda,

qui, tam horrendum rugijt;  
ut Caelum, saxa, & elementa paucere;  
in Imagine sua hinc praesens est;  
quis non pauebit?

Leonem apertis luminibus dormire;  
si naturae secretarijs, compertum est:  
hunc, nulla hesperugo uidit dormitantem.

Atræ noctis Praeses, & Erebi Filia,  
Othomanica Luna;

ab hoc Vigili, perterrita, Leone; olim sanguinea, mox pallida exsticit.  
Nempe

in Poloniae Polo primum Zodiaci signum, LEO;  
Solem duntaxat admittit;

Qui, certè in illo geminavit incendia:  
& ipsum Taurum contra Aurorae Busridem inflammavit.  
Nempe sensit tyrannus Augustae CRVCIS virtutem;

cujus, ipsa Imago Leopoli Thaumaturga;  
diræ, & duræ obsidionis vim repressit.  
Mortem minabatur, & excidium

Musulmanica rabies;

sed Vitale Lignum, vitam in morte invenit.  
Rogos exitiales, Roxiacæ Metropoli accenderat;  
sed Sanctior gratiarum Fons, incendium extinxit.

Ruinam minabatur, Urbis;  
sed Columna Orbis, tam, CRVX suffulit.  
Multis arietibus pulsavit mœnia;

sed unus anniculus Agnus, balistas retudit.  
Sagittarum densa missilia vibrauit;

sed Vmbo CRVCIS adamantinus obstitit.

Alia Miracula nè quæseris,

tota CRVX, Miraculum est.

Imo grande Miraculum esset, ad hanc CRVCEM confugientes,  
sine solatio redire.

Russiam appella calame!

quæ tota, sub CRVCE triumphans,  
Triumphatori CRVCIFIXO supplicat;  
ut, in restitutis Prouincijs, gloria CRVCIS,  
& olea pacis æternum floreat.

XIII. V. D. SAMVEL IANSON, Leopoli;



IMAGO PATIENTIS  
IN CRUCE DEI

Hominis ad Aedes Divi Marci, multiformibus Gratijs corusca.

**D**E LIGNO vetitum pomum dum carpserat, inde  
Carpfit Adam soboli noxia cuncta sue.  
Admiranda DEI IESV Patientis Imago,  
In CRUCE Vita, Salus, estq. medela reis.  
Mille pijs lachrymis hæc Arbor ritè colenda,  
Afflictorum Quæ dulcia vota beat.  
Quidquid inexhauste bonitatis præbuit Orbi,  
In LIGNO moriens hoc dedit ipse DEVS.  
Ingeminare novos gemitus, & crudo dolorum,  
Nos iubet eternum, Passio Summa DEI.  
Muneris est pretium tanti sub Nomine Marci,  
Quem Patiens Dominus fecit amore suum.  
Hic lachrymæ sumunt, hic gaudia vota precantur;  
Nam pretium virtus, estq. Corona DEVS.  
Tu IESV Patiens, Salvator totius Orbis,  
Iam pretium lauris, nostra Corona, dabis.  
Giedrocus roseo flagrans pietatis amore,  
Gestivit, IESV Verba loquente fidi:  
Ad Mortem patiens sis usq. per aspera victor,  
Sic capies nitidi culmina celsa Poli.  
Demona Giedrocus vicit dexter, CRVCIS Alme  
Huius in auspicijs, mille trophæa ferens.  
Vulcanus Cracidos dum grassaretur in Vrbe,  
Hæc CRUCE terga dedit, perdomitusq. fuit  
Vota ferunt populi, solamina digna triumphis,  
Quæ capiunt, cedris sæpe notanda sacris.  
Suffragijs meliora suis dum CHRISTE capeffunt  
Dona, Tibi grati supplice corde ferent.  
Ergo Iagellonis Laurus hæud fulmine tangi  
Permittas Genitor, Rexq. Supreme Poli.  
Imperium summum gestans ex Arbore Victor,  
Augusto Regi, Sarmatiæq. fave.

XIV. V. D. IOANNES KRVDNEROWICZ.

CALVARIÆ ZEBRZYDOVIANÆ  
in Polonia ad Crac:

**T**Ranslato in Orbis partes, CRVCIS mysterio;  
Hierosolymam à se abijisse hæud ambiguum est.  
Excedere à se debuit, tot stimulis acta durioribus;  
quia ingrata.

Lapis in lapide non mansit; utpote singuli abituri.  
Dubitas, abeunte Christo, etiam lapides mansuros?

Etiam illi animati contra ingratos.  
Scissas olim petras contra insensatos legimus;  
nunc in exterminium eorum uniantur.

Hierusalem ergo, amplius non est visio pacis;  
Ex quò, Principem pacis interemit.

Felicio Aquila Nostra,  
quæ, Magno Zebrydovio Duce  
Hierosolymæ Coloniam, in Poloniam traduxit.

Hic beati Sionis Colles,  
non jam peregrini sed domestici.

Hic salutaris Golgothæ vertex,  
tholo CRVCIS beatus;

mortales Cælo inserit.

Hic Annæ, & Caiphæ palatia Cælo ad palatum;  
& Herodis Curia, non incuria salutis;  
quia indulgentijs peccatorum opulenta.

Totam beatam Urbem, in Orbem Lechicum migrasse  
credideris:

quia Geometricam ipsius mensuram,  
Zebrydovianus Genius ex asse transumpsit.  
Golgotheum hunc in Polonia Montem,  
cum millones populorum conscenderint:  
soli Dæmones licet veloces ad perniciem nostram;  
vel ipsam radicem illius formidant.

Polonicam hanc Hierosolymam,  
Germania, Hungaria, Slauonia;  
& quidquid in vicinia Gentium est; invisunt.  
Soli Hæretici detrectant;

quibus in Hierico habitatio complacuit.

Tu, quisquis salutis arripere iter conaris;  
hanc Hierusalem pete;

non solus in illa peregrinus,  
Cui Reges, Principes, Duces, Antistites, prodromi fuere.

XV. V. D. STANISLAUS MARKOWICZ.



# EFFIGIES CRVCIFIXI SALVATORIS

in Ecclesia Neofandeceni, funditus olim Conflagrata, sola remansit intacta, cum tabella residua, continente hanc inscriptionem: Peccata vestra,

## Ode.

**E**uge Musarum celebris Corona!  
 Colle Parnassi gemino, locata;  
 Castalis, dulces latices aquarum  
 Funde per amplos.  
 Gemmeum **CHRISTI** solium dolentis;  
 Et salus mundi celebranda venit:  
 Ignee laudes medijs in undis  
 Ponè supersunt.  
 Dum tot **Aethneus** struit officinas  
 Mulciber; seras agitando flammis;  
 Vertit in trislem cinerem, ac favillam  
 Tecta domorum:  
 Has faces volvit furiosus, usq;  
 In sacras **Edes** removente vento;  
 Quas suis **Sadec** Nova continebat  
 Menibus altis.  
 Tecta Divorum titulo **Sacrata**;  
 Atq; cum fumo vehementer **Ara**  
 Evolat; quidquam manet haud perenni  
 Absq; ruina.  
 Sola **CRUX** altos, stupor! inter ignes  
 Mansit immunis: prope quam relicta  
 Sculpta suggesti in minima tabella,  
 Binaq; verba.  
 Quò **DEVS** Signò nimum stupendò  
 Monstrat, infandum scelus; in favillam;  
 Quòd velit nostrum, rigidàq; penà  
 Tollere crimen.  
 O sed humane, pretium salutis!  
**CHRISTE**, tormento **CRVCIS** in superno.  
 Perditam vitam generi labenti  
 Qui renovasti!  
 Applica guttam Latere è **Sacrato**  
 Laureis nostris! fluat hinc amoris  
 Fons inexhaustus, lagelomis atq;  
 Irriget artes.

# IMAGINI CRVCIFIXI

In Ecclesia Andreouensi, Sanguine Miraculosè sudanti.

## In Agypto mundi,

Angelum exterminatorem nè timueris Andreovia!  
 liniti postes sanguine Agni, stragem avertent.  
 Primogenitus ante omnes Creaturas;  
 quem **CRVCIF. XVM** in Imagine Thaumaturga colis,  
 primogenita servabit.  
 Solum tuum, **Cereris** ferax, ut facundius redderet;  
 etiam ex Icone sua pluuiam serotinam effundit.  
 Et certè, Nilus hic è Paradiso gratiarum fluens;  
**Agyptiaco** felicior.

Qui quinq; duntaxat ostijs,  
 totum mundum mundat, & facundat.  
 Si autem tam grata, & salutaris tempestas,  
 cataclysmum fecerit, nè metue.  
 Felicissimus **Hylas**, qui tantis gurgitibus absorbetur.  
 Nempe in hoc pelago mergi;  
 est, portum salutis attingere.  
 Naufragar tamen hinc neminem autumo;  
**Vbi eadem CRVCIS Tabula**,  
 & **Nauis Noëtica** felicior, & Portus est bonæ spei.  
 Imo intumescere hasce undas nè dixeris:  
 Supra quas, **Divinus Spiritus** ferri non desinit.  
 Sudum ergo perpetuum tibi gratuleris:  
 cum sanguine rubet **Mythicum Cælum**.  
 E a fideles **Brandi orum Manes**!  
 Vobis prima, ex sanguine Agni data est tinctura.  
 De numero Signatorum vos esse, quis ambigat?  
 Quos non litera **Tau**, umbra **CRVCIS**;  
 Sed ipsa **CRUX** sanguine cruenta, consignavit.  
 Cujuslibet **Orthodoxi ædes**,  
 Templum **DEI** esse; debere docuistis:  
 cum Vestri **Lares**, primam Ceram Christo posuerint;  
 Felices **Polonos**!

Si eis quælibet Domus **Golgotha** fuerit.  
 Vbi nempe **Christus** non patitur sed agat;  
 ubi clavi non pungant; sed stimulum addant amoris.





SUB FELICISSIMO REGIMINE.

MAGNIFICI, PERILLVSTRIS, & ADMODVM REVPRENDI D.

D. M. MATHIÆ  
PSOIECKI.

S. Theologiæ & I. V. Doctoris, & Pro-  
fessoris, Protonotarij Apostolici, Collegæ,  
Majoris, Ecclesiarum Collegiatarum, SS. Omnium PRÆ-  
POSITI, S. FLORIANI ad Crac: & Opatoviensis,  
DECANI, SCHOLASTICI Curzeloviensis, CAN-  
CELLARII Posnaniensis, CVRATI in Ośick,  
Contubernij Iagelloniani PROVVISORIS,  
S. R. M. SECRETARII.

STVDII, ALMÆ VNIVERSITATIS  
CRACOVENSIS,  
GENERALIS, ac VIGILANTISSIMI  
RECTORIS.

Biblioteka Jagiellońska



stdr0016819



